



16
2559
8



16
2559
8

鈴山堂集卷第二十八目錄

神道碑銘
墓誌銘

明故光祿大夫太子太保南京兵部尚書贈少保

諡端敏秦公神道碑銘

明故太子太保禮部尚書贈太子太保諡莊簡李

公墓誌銘

明故資政大夫刑部尚書贈太子太保諡康敏趙

公墓誌銘

封通議大夫南京吏部右侍郎洞雲先生張公神

道碑銘

目錄



都察院右副都御史高公墓誌銘

鈴山堂集卷第二十八

神道碑銘 墓誌銘

明故光祿大夫太子太保南京兵部尙書贈少保
諡端敏秦公神道碑銘

嘉靖甲辰正月廿有一日尙書鳳山公薨于第訃聞
上震悼輟視朝一日下所司議祭塋如例旣乃贈少保
賜謚端敏制得樹碑神道於是公之子都事沐以文請
於予予徃與公同仕兩京幾二十年道義交相好也其
笑可以辭按狀公諱金字曰声常之無錫人也系出宋
國史院編修直龍圖閣少游先生觀之後先生坐堂案籍

履徙道卒塋高郵其子湛倅常州遷塋錫之璨山因家焉遂爲無錫秦氏公生而穎異過人弱冠舉應天鄉薦弘治癸丑登進士弟授戶部福建司主事監督倉場糧斛差檢勘順天災傷融敏精幹卽嶷然頽脫矣總視諸司章奏事無難易卒畫悉當遷員外郎郎中丁父憂起復除郎正德間官獻奏乞鹽引每從中報下阻商耗邊鹽法幾壞公當署上奏格之擢河南按察副使督學政當是時中州之士出公門多顯者初公同邑邵文莊公督學有言至是人則稱秦邵云陞左參政分守大梁道劉賊起畧河洛間將薄封邱公設法防禦會叅將宋振鼎師南下因邀與合陣遇賊于陳橋奮擊大破之士人立祠祀公陞山東布政右使尋轉左使擢都察院右副都御史巡撫湖廣至則屬地方連年大水饑饉公蠲租賑濟察罷貪吏上便宜八事再上十事其書在國史以文多不載又盜賊數起公擒賀璋廖琪于江討猺傘于彬桂平叛苗于香爐峰民賴以安宸濠變起車駕南征諸宦寺權要人並緣爲姦橫求有司權勢赫壓公抗奏却之諸求少戢在楚餘七年威警惠流績譽大振嘉靖初拜戶部右侍郎改吏部尋轉戶左是時公攝部篆清理皇莊整飭鹽法申鹽引前禁督追逋負蓋公既習

知諸務而益殫厥心力補弊興滯粲然改觀焉錄彬桂
諸平賊功廢子錦衣百戶世襲公辭乃詔進俸賜白金
彩幣拜南京禮部尚書旋改南京兵部尚書叅贊機務不
踰年召爲戶部尚書條奏國儲數事今尚循守不變丁
亥年六十有一上疏乞歸 賜璽書乘傳歸命有司歲
給輿隸朝臣自宰執臺諫皆以公行能最高年又素艾
不宜苟遂其退請留公不報公旣歸言者不止復起爲
南京戶部尚書 廟工興改工部尚書加太子少保尋
加太子太保再改南京兵部尚書以年七十告謝再疏
甚力 上知不可留溫詔賜歸仍給輿廩如初公平生
志務經世博極天下之故識達時變而守之以正
溫溫樂易當其職守毫髮不可奪歷兩都五部職正思
勤一節雖退老猶慮切天下事性寡嗜好焚香一室左
右圖史自娛親課諸孫學業知舊問遺手自勒狀作家
乘建四代塋域築祠祀淮海先生配以先世有德者四
人名曰五先生祠以風示族里蓋巋然鉅公長者矣爲
詩文純雅可誦所著有鳳山詩集撫湖政要安楚錄雜
著稿臺省奏議諸疏類稿多梓行於世會祖諱物初祖
諱景薰父諱震皆累贈至太子太保南京兵部尚書妣
皆一品夫人配鈕氏累封一品夫人子二人長泮鄉貢

士先卒次汴廕授南京後軍都督府都事其塋之月日
與子姓姻媾之詳具在大宗伯費公誌中茲不著著公
之大者以書諸墓上之石而系以銘曰

秦肇龍圖有斐令德文實擅宋名迺齊軾用弗究施卒
死於謫天祐善人懿爾孫子嶷嶷尙書迺誕厥祉十世
而發振其家祀始仕爲郎令問孔揚允文允武何用弗
臧教被中士多士斯皇河洛之墟大盜披攘舍爾鳴鐸
干戈用張訖誅叛亂封邱之陽爰自旬宜以撫荆楚豹
服有韜錫以鉞斧熊旂鳥章寔總貔虎彼蠢有昏負是
桀阻三犁逆巢民有寧宇惟是楚人式歌以舞天子

召之卿貳卽序敷政優優不吐不茹歷正諸曹鞠躬盡
瘁未老告休逝其與處廷有輿論列疏留公歸而再起
勲望益隆仍司邦計復興司空保釐舊京宮保加崇公
再歸矣第祿康矣耆德壽俊民之望矣俄焉長逝乃盡
傷矣崇階美諡稽實易名高朗令終世莫與倫其倫惟
何山甫其人夙夜匪懈明哲保身陳詞著德以刻穹珉
厥聲鴻七百世孔振

明故太子少保禮部尙書贈太子太保諡莊簡李

公墓誌銘

正德間公爲禮部尙書掌通政司事嘗因天變上勤政

事戒逸遊重簡賞抑奔競四事不報自是公決意求退
章六上皆有旨慰留之最後請益力乃報可特加太子
少保歲給輿皂仍賜勅給驛以歸於時廷中稱歎謂有
急流勇退之風厥後權奸竊柄逆濠構亂乘輿數出大
臣恟匕危懼始皆服公之先見云公臥家餘二十年年
八十有五景泰丙子正月元日爲公之生其卒嘉靖庚
子五月五日也訃聞 今上皇帝詔有司給祭葬如例
又特贈公太子太保賜謚莊簡嗚呼若公者蓋清德懿
行鉅公者矣公諱浩字師孟姓李氏世爲山西曲沃人
以書經舉成化癸卯鄉薦明年登進士第初授都水主
事管吕梁洪故有役夫數千辦椿草銀錢歲若干緡公
至悉罷之止令於農隙採辦備用而已署鄰巨豪伺官
府短長前任者多爲所持獨於公不敢近改戶部主事
丁父憂服闋改兵部車駕主事陞員外郎奉勅清理畿
內諸土田奪豪右侵占者若干頃還之民陞職方郎中
爲尙書鈞陽馬公所稱重委攝諸司章奏 冊封代府
溧陽王克副使凡所餽贈拒弗受陞通政司右叅議轉
左叅議持節克正使封晉府雲邱王歷陞左右通政順
天府尹時久旱䟽論畿甸民所疾苦事當罷行者詔嘉
納之逆瑾擅政無名需求甚急公一切裁抑數與面議

可否侃侃不阿聞者預縮而公不爲沮瑾乃日使偵公
過失然竟無所得也居二年改通政司使轉兵部右侍
郎尋轉左兼理武職貼黃嘗攝工部篆修朝陽門城垣
通州新城公咸督其工乃疏慎郊圻固封守革冗費修
戰具數事多見採納以山東盜平陞俸一級賜白金彩
幣丁繼母許淑人喪賜祭葬給驛以歸服闋召拜禮部
尚書仍掌通政司事食一品俸賜金綺斗牛服色未幾
疏乞去位公去後臺諫累疏薦公當復用而公已老無
意於世矣公器宇魁岸論議偉出雖退處邱園每聞朝
廷一善政輒喜見顏色篤厚倫理有弟客死收恤其孤
如已子歲時事先必謹著家訓以示子孫雖隆貴自奉
無異寒素好學問文章雖老不倦所著有南莊稿歸田
集藏於家曾祖諱思賢祖諱齡考諱禎高密縣丞皆累
贈通議大夫兵部左侍郎祖妣賀妣鄭皆贈淑人配因
氏累封淑人贈夫人子男四長曰金卽弟死撫爲已子
者也仕爲宜君知縣次鏞河南道監察御史次鑣國子
生次鈞秦府左長史孫男六承先承德承華承詔承賜
承寵孫女六曾孫二曾孫女六御史君以辛丑某月日
葬公於某山之原而奉狀屬嵩以銘嵩昔在翰林嘗得
望見公之顏色公得謝歸實賦詩以道公之行者茲重

以御史君請銘奚以辭銘曰

公生有徵吉夢是占厥夢維何有遺之衡公沒不亡去
而上昇又尚徵之羣鶴降迎維古異人發祥匪偶受氣
取精亦孔之厚屹屹李公三晉所宗含和蘊靈令德在
躬祇事 三后薦登八座大受之用罄無不可乾崇適
隳大阿倒持衆懷睚眦獨炳先幾揚策都門脫屣各路
鴻飛冥冥弋者何慕既壽而康天歸百祥澤不永施厥
後乃昌桂城鬱上其藏有石勒銘告幽以示無極

明故資政大夫刑部尚書贈太子太保諡康敏趙

公墓誌銘

今上卽位之初疇咨雋賢登于大僚維時趙公以茂德
耆望簡在帝心擢南京刑部尚書尋召掌北曹公抗顏
執憲棘棘無少避雖微有室迕而勁正不同無何引疾
乞休詞極懇切 上重違其志詔給驛以歸有司具輿
皂月廩皆逾恒品陞辭 上復製古體詩十韻親灑宸
翰以賜大臣謝事得賜詩近所未有益異數云九廟成
詔進階榮祿大夫備禮存問公優游林下享年八十有
四以嘉靖丁酉七月九日卒訃聞贈太子太保諡康敏
遣官營兆恩禮備至可謂榮名先節福履令終者矣公
諱鑑字克正青州壽光人也幼從父隸籍京衛遭母喪

歸免喪爲學宮弟子舉山東鄉薦登成化丁未進士授
知蕭山縣在縣廉愛有惠政去後民思祠之擢監察御
史歷視馬政鹽法奉命按宣大時虜酋火篩犯境朝命
平江伯陳銳等帥兵討之師久不進公疏劾之又陳方
畧甚悉於是兵將奮勇連戰皆捷虜爲遁去公爲御史
久數推京寺要職值逆瑾用事出公知安慶府旋改順
德府瑾誅乃擢浙江叅政陝西右布政進右副都御史
巡撫甘肅歲大侵公疏請出內帑賑之及貸富人貸糶
易粟隨所在給以粥食全活甚衆又令官給牛種勸之
使耕次年遂大穰又浚渠招屯募民益兵邊務大修又
却吐蕃復哈密奪地璽書嘉勞改視南京院事後命理
閩浙鹽法入視院事轉大理卿公於法比素精嚴而宅
心平恕爲刑書會姦治諸巨寇種種按伏咸得其情逆
濂之變宗室坐繫者衆公疏止坐元惡請釋其株連者
以故獲全者二百餘人一日待漏直廡朝士有恃寵徑
入託之私者公叱之曰此豈汝寄請地耶聲色俱厲聞
者壯之公素性好士樂善雖面折不能容人之過而怒
過弗藏故人弗怨之臨事決議能以二三語折衷靡不
服學士石熊峰稱之曰清樸忠實時以爲實紀云祖諱
鐸考諱福累贈如公官妣李氏贈夫人元配劉氏繼許

氏贈封皆夫人子男二長岳以蔭歷官都勻知府次曲
國子生女四適孔淮韓元佑鮑文臣李洞予昔官南京
翰林公折行葦禮之至是太守君書來屬為銘曰公之
遺命也嗟乎豈以予為知公者哉然不可辭序而系之
銘曰

仡仡司寇履方蹈古正色廟堂孰余敢侮人亦有言仇
直罕容道行志得性 聖之逢公疏引年翩其解組
帝曰嗔哉去我賢輔陸有乘傳廷有賜詩 皇眷優常
聞者嗟咨郵典賞終易名節惠吁嗟良哲可式有位

封通議大夫南京吏部右侍郎洞雲先生張公神

道碑銘

洞雲先生既葬之二年今少宰公貽書其友嵩曰邦奇
不類少也未嘗一日就外傳大人授之經始學為文擊
節擴塞俛知向方有所過僻因事示戒徐誘而默喻之
及既仕猶然夫藝我九我教不與焉若邦奇則罔極之
痛尙何言維墓碑有文焯德發潛垂世弗朽者惟子是
託矣嵩謝非其人蓋閱歲而督命益嚴廼考次行錄得
先生治身行己之悉而謹志其大者序而揭諸墓序曰
先生諱時敏字日新姓張氏寧波鄞人也聰明沉厚毅
然不苟戲笑早入縣庠通易詩一經遠近爭迎以為師

慕聞來學造就日衆少宰公親承指授陶鎔淬濯遂大成其器文聲重館閣而先生屢試有司輒弗偶其內修之行既足稱于家邦而世之有權力声氣者知先生莫能深故卒以窮始先生以爲君子之學要自期於古人立如程明道濟世如韓魏公范文正公避俗如陶靖節自約如馬少游桓舉以爲法讀書匪尙博識經史要語切于心身者書諸楹壁而時觀之允迪之蓋先生所自志者如此其於世俗得喪歡戚不以屑意也先生弘裕以容衆矜嚴以正物全己以守貞純儉以存戒謂鈍爲利謂拙爲巧謂樸爲華凡先生之行已居鄉及所以淑其子者皆出於長厚誠恕足以平怨釋欲革悛亡悛消鄙敦薄挽末俗進之古可謂淑人君子者矣先生博極羣藝陰陽星曆山經地志郊市子鄉之術靡不通曉然鮮言之爲詩冲澹和平所著洞雲稿藏于家初以小宰公貴封翰林院檢討繼加四品風憲服郊恩進封通議大夫南京吏部右侍郎先生素志經濟及受封則絕意世故日與親舊觴詠自適於溪山雲月之間享榮養者二十有五年年七十有二嘉靖辛卯二月甲申以疾卒上聞賜諭祭命有司營葬事乃以是年十二月丙申葬于葑港祖塋之次祖諱純父諱忱贈如先生官配

沈氏封孺人進封淑人生子二邦彥惠而早卒次即少
宰公次邦韶邦胤側室董出女二學生裘穆徐榘壻也
孫男子中子釋子兆子望嵩聞諸古之士學成而道德
明秀則進爲公卿大夫暨百官之選其後國論不及乎
里巷之隱士之修己者恒誦於程試之文顧以先生之
材與行而不見知遇不克少施于時則爲善者何以勉
焉雖然乃有今少宰公有道而文爲時名卿嗚呼蘊必
發其在茲乎序而系之錄其詞曰

崑岡之璞瑜瑾內全瑩七精氣浮于山川祖徠之松磔
柯千尺凌傲雪霜其姿鬱七胡不吐讚薦之清廟朝不
棟梁于彼鴻構猶嗟先生行直道方材宏莫用匿輝令
章惟其不有以惠後昆是生少宰實大其門過庭受誨
匪色匪言如彼蒙泉弗泯其源渾渾其積蔚蔚其宣文
世宗之行世儀之惟其身教式穀似之天曹嚴七百僻
具瞻甄別賢類以贊化元猶嗟先生迹晦道光爲不自
躬厥慶彌長榮莫與夷翁壽多祉湛恩洪麗未見其濼
刻詩墓門以詔來禩

通議大夫都察院右副都御史高公墓誌銘

嘉靖己丑三月一日都察院右副都御史仰峰先生高
公卒于家惟國家於大臣之終具有卹典於是命

有司營葬仍命官諭祭如制是年十月某日葬公於里澤埭子社貽書京師以公遺言謂嵩使誌諸墓始公識嵩於諸生中薦寵之頃被召國學公送之彬江之澚執手語曰吾老矣不及見子墓石之文惟子是託也嗟乎予曷可以不銘公哉予又曷忍銘公也哉謹按公諱琬字德資成化戊子占江西鄉試戊戌登進士歷知松陽上海二縣召為南京貴州道監察御史陞松江知府陝西海廣參政右布政浙江左布政已而拜右副都御史撫治鄖陽公器貌端重為政矜嚴持大體曉達民事慎飭名檢所至舉其職而上海松江之政尤稱最上海松

屬邑也地大賦繁公至減官糧加耗奏以餘糧編銀顧夫民稱省便官稅徵解歲有羨餘數百金前政者例受之公初不入于心則斥以建學會齋閣廟宇館傳之傲圮者鋤抑豪強發擿姦伏屢辨疑獄終其任無敢干以私聞父喪即日奔歸民懷慕齋餽追至其家一峻拒之為御史風裁凜峻出按蜀戎籍持平不苛稽審有法衆號得體適松守缺松人咸願得公為守語聞吏部以公往益公前在上海威信既孚於民又熟其利病及為郡益邁往踔厲凡所興革弛張舉措務建經久長利期無遺便乃已用文學飭吏治考大成之樂間詣學宮飲射

讀法率學官弟子親爲講說課試高等者慰寵之飭陸
宣公周文襄之祠表忠節貞孝百廢具興松故饒財俗
尙後靡公身爲儉約先之食不重肉客至豆觴魚鱸果
脯一飯而已禁饗燕僕優雜劇不一陳於前考公所爲
庶幾君子德義之風矣撫卹時劇寇劉七猖獗連河鄧
襄蜀數州患之都御史彭公澤專總制公受勅調漢土
兵併力追勦計蓋勞勩渠黨就獲璽書獎勵有襲衣白
金之賜衆方多其功顧爲言者所抑得旨召公將別用
之公還過家卽回不復仕矣有司議平賊功猶以白金
彩幣卹其家賜焉 今上登極推恩廷臣公雖家臥援

比以請詔賜誥進階通議大夫祖諱原亨考連江丞諱
仕忠皆贈通議大夫都察院右副都御史祖妣某氏妣
胡氏皆贈淑人蓋異數云家居十有五年年八十有五
履行重一時前後部使數致粟帛禮於其廬高氏之先
出安成之管橋有諱隆者來家宜春與中表劉以文厚
善以文無嗣隆以次子原亨嗣之遂冒劉姓卽公之祖
也公三世皆仍姓劉嘉靖壬午祖領鄉薦會試禮部始
以公意疏于朝復姓高公篤倫理伯兄琦弟璨友愛甚
至舊田宅悉推與之而別創以付祖等從兄孟寬客遊
湖湘卒遺孤禧公撫之如子宦邸與祖就外傳長娶以

室服用惟均祿今聽選監生其他親族賴公賑贖殯厝
尤眾顧自公視之皆常行不及悉書也公元配成氏繼
王氏皆贈封淑人子男四長郎禮次陰陽訓科祥次祐
蚤卒次祿女適都御史張公鳳子汝功指揮使石公方
次子宮俱國學生孫一人曰元銘日抑抑高公維行之
持贖彼玉雪弗受磷緇爬梳濯滯感惠並施厥政在民
既去而思位方巨融器也大受退處而休厥用弗究公
雖告休亭龍無已金幣諸書即命于第考終大耋福履
具完 皇有異恩賁于九原納銘昭德以告弗謏

鈴山堂集卷第三十九目錄

誌銘

南京大理寺卿孟公墓誌銘

南京大理寺卿傅公墓誌銘

前大理卿湯公墓誌銘

翰林院檢討易君墓誌銘

御史楚蒙黎君墓誌銘

廣西左布政使陳公墓誌銘

江西左布政使邢公墓誌銘

墓誌銘

南京大理寺卿孟公墓誌銘

公起家河南年二十三舉進士為行人時公之內弟何子仲默方有俊名與其羣李獻吉王子衡崔子鍾田勤甫及公日切劇為文章揚摧風雅以相振發酒食會聚娑娑酣嬉以相樂時稱十才子已而公選入內臺為御史即抗疏論劾當道大臣用是下詔獄謫桂林郡學教授天下又皆高公之節而諸子者亦各以氣節自著不獨稱才也公由桂林稍遷汶上知縣嘉興府同知擢湖

廣按察僉事持憲專決耻唯唯恭遜意小拂卽日挈舟
徑歸引疾致仕嘉靖更化錄閒廢諸賢乃起公山東僉
事陞布政叅議陝西叅政拜都察院右僉都御史經撫
寧夏尋改督儲南京公居南京一日聞太夫人居家疾
劇卽解印馳歸或以職守難之曰吾安能顧此耶會改
公總理河道命下值郊思馳封躬捧冠帔至家踰四旬
太夫人乃殂時論謂公孝感所致云嗚呼士平居學問
談理道至若位臨事擇利害爲趣舍端端恒患失之考
公所歷履侃直自遂邁往弗回志節可概見所謂篤信
好學者非耶假令公履高位當大事其不爲恒壯

獨時也必矣是歲三月公服闋拜南京大理卿象謂
履柄用矣到官甫五十日遭疾遂不起則豈非命也夫
其可悲已公諱洋字望之姓孟氏生成化癸卯五月二
十三日卒嘉靖甲午七月二十五日年五十有二孟氏
其先金山人曾祖眞童國初爲永平衛千戶祖勝調信
陽以功進指揮僉事故今爲信陽人考諱山贈都察院
右僉都御史母孫氏封太恭人配何氏封恭人生子朴
而天公居憂時以弟澤子祀爲後今側室一子楷方在
抱於是一勝方娠也公其必有後乎公坦易諒直與人
交無詭容無詭辭居官務大體所至聲色不動而績効

畢著平生俸入以義散俱盡死之日至無以爲歛方屬疾卽以後事屬都憲顧公華玉及通政林公懋易二公者日往問焉其終也親其歛焉凡歛之具吾同年各出金爲賻留都諸卿皆賻焉於歛之十日何恭人携其子自信陽馳至都憲馬公敬臣則自淮具舟以歸公之喪將以其年月日葬何恭人曰夫不幸不可俾遂泯泯無傳乃請于顧公述狀而屬嵩爲銘嗟夫予曷忍不銘公哉銘曰

相古達人以死爲息孰爲短終悲也奚益嗟公德名豈有在將明將昌胡奪之巫廷一寧爾邱承保終吉

南京大理寺卿傅公墓誌銘

公以都察院右副都御史巡撫滇南旣被命改南京大理卿當行矣尋甸武定土酋倡亂抄掠諸部圍逼會城勢張甚公曰吾可諉而去乎是時公已被病乃力疾巡城發部兵以討賊賊尋破優詔嘉獎有白金綺幣寶鏹之錫公經理條畫起居無時旣行至鎮遠則疾甚弗起嘉靖戊子五月廿一日也年六十有七訃聞詔有司營塋事遣官諭祭如制公少刻苦爲學家貧寄食京師以羽林戎籍補順天府學生領京闈鄉薦丙辰登進士授大理評事詳讞不私遷寺副繼遷寺正奉命慮囚于河

南再涖湖廣多所平反逆瑾擅政嘗欲脫人于罪公持
弗可瑾怒中以他事逮公繫詔獄謫浙江布政司理問
已而復逮至京禍出叵測或勸可賄免者公委順守正
一無所移人咸危之然公居官素防檢密無可招據瑾
終莫能害也擢山西按察僉事陝西兵備副使調廣西
右江有平賊功進俸一級陞貴州參政按察使廣西右
布政使雲南左布政使拜都憲卽撫其地公所爲政拊
罷瘵之氓按貪暴之吏前後數任皆在邊方勞効畢著
比及內召而公弗祿矣公諱習字本學姓傅氏南昌進
賢人曾祖諱原益仕爲廣西太平知府祖諱德威父諱
明昌以公初命贈爲大理評事公娶萬氏封孺人二男
子鎮守忠皆縣學生女一適府學生熊梅孫男懽孫女
二長適黃墨次許聘太守萬公鑑之孫忭傅與萬世爲
婚姻守忠今南臺總憲治齋公壻也公之卒也惟守忠
在側扶柩歸與其兄以某年月日葬公李坡橋山之陽
而來金陵以求予銘嗚呼公起諸生徒步宦學屢踐艱
棘終以就立顯庸于時庶幾堅忍果毅致遠受大者矣
乃論次行事而銘之銘曰
維傅之先說相有殷克邁種德代襲其芬公奮自田啓
蹟羈旅文優以仕若契而取奸人擅朝重足屏息率其

方剛威我弗惕旬宣列省績美具稱書載俊父詩詠國
楨大卿既命亟務穰起助亂削平惟義之濟鞠躬盡瘁
奄忽殂終裏尸萬里孰謂非忠刻銘于幽善履孔最以
告後人傅氏之隧

前大理卿湯公墓誌銘

六年夏晉有疑獄 天子下三法司集議羣臣連奏讞
不稱 上旨皆坐免官時大理卿湯公與在遣中久之
上意明羣臣無他漸次召復而臺諫部使爭言湯公賢
宜復用章凡數十上公里居六載嘉靖十一年八月

二十九日竟以疾卒春秋七十有三云又三年乙未正月
月廿二日塋於邑敵山之原公仕而廉雖踐大難無辱

蓄以故久弗克塋其塋也禮弗克備其孫世賢謀于叔
父雨曰塋宜有銘以昭德垂遠可弗圖諸乃以其姻張
太史袞所述狀以來請銘公諱沐字新之姓湯氏常州
江陰人也幼時讀書學文不假強教舉成化丙午鄉薦
第六人引治丙辰登進士第選爲崇德令其爲政威惠
信著吏急民寬褒延庠校風移化行比其去民思之爲
其立祠其召爲監察御史舉彈無所避其陞湖廣按察
僉事旣行矣逆瑾方擅政怒不已附復斥爲武義令瑾
敗起爲廣東僉事督理鹽課滿剔抉靡宿弊澄革遷福

建副使當朝親故相揚公一清柄銓衡舉天下方面治積超最才可大用者數人疏請表異公名在列陞江西按察使浙江廣東左右布政使拜都察院右副都御史巡撫貴州改巡撫四川芒部寇亂治軍行師謀慮精審地方底平璽書勞美賜白金彩幣召掌廷尉公姿貌凝重吏治精達任公竭節議法處令爭棘不撓上方篤於委任顧以一肯廢則所謂命也非歎公歸屏居城南野服課農訢訢自適邦大夫見語不及私見不善中疾之若將浼焉卽而不忍顯白人更稱長厚微時所識被召至之必問其廬烟黨旅會視毛燕坐汲引後進勸飭指誨惟恐弗及公素瀰無疾方被疾度不能起親治後事甚悉猶口諷三詩以國恩未報為恨曾祖諱真德弗仕祖諱鏞父諱虞並以公貴贈都察院右副都御史母胡氏贈淑人元配陳氏贈淑人先公二十年卒公終身不復娶旁無媵侍焉子男二長雲七品散官先卒次雨大學生女適義官周都孫男二世賢適長承重次世勛二孫女適夏尚繼何應期朱仲會曾孫一舟公內外行完崇約惕盈施於有家榜其堂曰知艱自為文遺世賢曰守此足以保躬矣世賢蔭補國子好學而文予所教諸生也以公遺命請予為銘銘曰

惟昔江陰仕鮮顯榮八座登朝奮始自公惟公之興莫
匪躬致德立位來若契而敢終焉奄躋失署亡資衆論
則歸豈足瑕疵考其初終淑善可儀天不憖遺君子之
悲廉以檢已儉以師後公名不忘世以永紹

翰林院檢討易君墓誌銘

君長沙攸縣人易氏譜舒諱字欽之弘治乙丑進士選
爲翰林庶吉士三年授國史檢討君始業進士不工爲
古文辭既入翰林始盡棄其前所學慨然慕古人所爲
而力追之取左氏先秦西漢之書晝前夜思鉤玄致隱
沈浸酣鬱久之於文大有得也爲詩妙悟超詣上逼晉
唐而書體尤工由是名譽暴耀振發聞海內儕輩屈伏
莫與之京矣蓋君所自力者如此爲檢討踰年以忤逆
瑾意調南京戶部主事瑾誅乃復爲檢討謁告歸者念
二親年高留侍不忍去臥家十有四年絕意榮利隱操
沉靖臺臣部使交章薦之旣而居親之喪將釋服人以
謂君自是可出而仕且顯用矣竟以嘉靖丙戌十二月
十三日寢疾終於家年五十有二云嗚呼天之生夫人
也旣畀之才矣而不副之以須臾之壽使少待以酬斯
人之望竟何意哉竟何意哉予往歲奉使桂林與君會
南嶽下今少宰甬川張先生時督學湖南適偕會留憩

澆旬窮嶽之勝而別余三人者同爲庶吉相好也及予
桂林還則又問道于攸攀磴緣崖歷險遠以造君之廬
歛語再宿乃別然執意自此而訣也悲夫君嘗生二男
子皆殤卒以無嗣今治君之墓而來請銘者壻陳惟健
也曾祖諱燿祖諱顯考諱萬福贈妣君之官母劉氏配
蕭氏封皆孺人君卒之明年十二月二十八日葬在母
墳高山之陽以蕭孺人附銘曰
蹇于仕不憇施以年而且無子嗚呼歎之行過乎古人
而文高乎當世其傳在此抑又奚悲辨

御史楚蒙黎君墓誌銘

世所稱以謂難得者精明博洽強幹之才既得之矣遭
時純熙居可爲之地奮庸効績致君於理而澤加於生
民豈非士者所願哉然是數者恒患于莫能兼夫時難
得而易失也名難成而易毀也用舍易遇愛憎殊好是
故雖有難得之才而罕究其用或連蹇弗遂以沒此有
志之士所深以爲惜也黎君諱鳳字乾兆自爲諸生博
學工文詞已有俊名舉弘治丙辰進士授行人拜河南
道監察御史當是時 孝宗皇帝御天下圖惟治理獎
寵臺諫君感激自效論諍諤無所避明習吏治事至
能洞燭顛末長憲者有大事必召君議君操牘書奏援

銘賞卷二十九
九
据古義傳以文法時出新意以佐其說橫貫超絕儕輩
莫能及也及出按南畿剔姦振弊發擿隱伏有豪右武
斷根節盤固更數政莫能治君至卽寘于法威鎮遠邇
尋改督南畿學政掄材造士人稱公允蓋君遭時行志
要欲邁往自樹慕古各人所爲而才克濟之無何正德
之初權姦柄國挾宿憾竟假考察斥君歸矣嗟乎天之
生夫人也而命之如此吾不知其何如也君旣歸學士
大夫惜君者多擬薦之然格於例終莫之遂君惟自放
於山泉雲石間卜居古城構蒙耕之堂日引親舊觴對
爲樂或時康旣謳吟抒其所懷語及弘治間事未嘗不
觸觸感惻盡然以悲云君世家新喻北蒙山下學者稱
爲楚蒙先生所著有蒙耕錄奏議詳刑諸藁藏於家曾
祖諱敏才祖諱明啓考諱紹魁贈如君之官母劉氏封
太孺人君兄弟五人其季曰龍乾德踵君舉進士爲御
史至廣西按察副使君初娶敖氏繼李氏贈封皆孺人
子曰天監邑學生予壻也君生成化乙酉六月十一日
卒嘉靖丁亥十一月廿四日得年六十有三以卒之三
年庚寅月日塋祔祖里冷塘先御史府君之墓左君嘗
囑其子曰吾喪罕人知脫不諱當求汝外舅銘吾塋至
是天監奉遺命以請嗚呼予尙忍銘君也哉然曷忍不

銘乃書之庶幾以識予之悲而慰君于地下銘曰
嗚呼君何歸乎芒乎昧乎其神曷之而形返茲土惟耕
在蒙惟塋在祖尚永其承以受多祜

廣西左布政陳公墓表

中奉大夫廣西左布政使陳公以嘉靖乙酉四月十五
日卒于南昌之里第塋新建縣之觀音山越六年辛卯
正月二十二日夫人彭氏卒于其子刑部主事冠之官
舍而冠扶柩歸以是年月日與公合塋乃來求文以作
公碑謹按大夫公諱奎字文表始爲諸生學成久弗試
部使以年例黜之或曰名士可失乎復之遂領省薦登
弘治己未進士除廣濟知縣爲縣有名召爲監察御史
時逆瑾用事公往覈甘肅邊儲忤瑾意瘴公微過逮赴
詔獄久之得白擢山西按察副使河南按察使山東右
布政使廣西左使凡仕二十四年其行事可紀者衆矣
在廣濟廉正率僚闕戒私謁俗號嚚訟常伺吏得失爲
傾陷計公治其桀黠者數人羣黨爲戢刊諭俗之文教
民行冠婚諸禮改作廟學買民地以廣黌舍程藝相勤
學者由是日起歲大侵貽書富民咸願出宿峙助賑全
活甚衆罪贖所入至瓜代粟積不下數萬邑人銘其政
于石在御史論事無所避出按廣西風采整峻監臨試

事稱得士在山西築城南關工費甚鉅公規畫有方城
成汾河大決將涇城民惶擾不知所爲時方歲凶公出
廩粟二千七百有奇募貧氓計口日給令濬河導流由
故道城得不滅而餓者亦賴以賑屢殄劇寇而不任其
功公前後所歷皆憲職慎於刑獄精斷明恕竄正吏牘
運筆如流吏抱案植立不得出一語屢獻大辟可疑者
率破械釋之而姦賊之吏則按劾無少貸蓋公施於政
者如此然以性執且不能隨世俯仰爲貴要所忌獲不
根之謗言者論公前在河南嘗爲逆藩市馬朝廷下所
司考驗無幾微實跡雖事枉得白而公已倦且休矣屬
疾方劇冠適奉使南方間道歸侍公無他語但教以守
官報國壅制從儉而已夫人新建右族有純行內外稱
賢子一人卽刑部冠也女適上舍生方侃子一桂孫男
三曰賜曰貺曰貽陳氏之先爲江州人後徙吉水五世
祖天錫徙南昌天錫生子隆子隆生銘銘生聰浙江餘
姚縣簿公之考也贈爲監察御史嵩聞諸君子之論曰
大夫公飭已厲行期自樹遇事敢往有爲乃一遭污蟻
卒黜擢終其身惜哉嗟夫愛憎異情則譽毀易論今之
士其不幸而蒙此者亦多矣豈獨公哉論次終始作爲
銘詩庶幾以詒於後世銘曰

仕既孔材兮克奮于時端厥銜策兮周道以馳前無禦者兮後忽忘之我修不苟兮何有磷緇吁嗟陳公兮銘以余辭

中奉大夫江西左布政使政仕邢公墓誌銘

嘉靖壬辰夏六月三湖先生邢公卒于當塗之私第其年冬十一月塋高淳之花林岡子鄉貢士壘進士址以予舊嘗知公來請銘予曰昔在已卯豫章之變公等合謀舉義大難以夷厥功偉矣顧抑於吏議公歸老三湖材用弗究君子惜焉論次公之行事以顯示來禩其誰曰不宜謹按邢氏其先河間人有諱鵬者徙家當塗明

陽實始祖也曾祖諱震祖諱純皆不仕考諱思贈南

刑部主事公諱珣字子用始舉進士授南京戶部主事改刑部轉員外郎郎中復改戶部忤逆瑾褫職爲民瑾敗復起除工部前後皆職留署名稱蔚起擢知贛州府事壤接閩廣嶺嶠險絕多盜有劇盜蒲總等公推誠諭撫之率衆來降授以廬舍給牛種俾姑耕豐其犒賜他盜起乃藉以禦盜修古鄉社約大新學宮飭周元公趙清獻之祠文教聿興焉正德丁丑南安龍川羣盜雲擾據橫水岡左溪諸峒時調楚兵來征公爲設方略督士衆悉擣平之已卯逆濠遣使齎重貲誘蒲總兵爲助滿

執使者言于公公曰吾固練兵集糗待之爾輩云何皆
頓首願自効時都御史王公守仁知府伍公文定起義
吉安公即日部兵來會次樟樹鎮時徵諸郡兵尚未至
公曰賊雖出城虞我師掩其後逗留不前今須馳據南
昌否則賊兵還復入城猝難攻矣乃即拔兵三日夜抵
南昌諸兵入城縱殺公曰王公出令禁之軍乃定濠至
安慶聞城破復還屯黃石渡距我師時伍公兵爲前哨
始交鋒失利公倉皇馳援親執旗麾兵進刺其渠帥追
斬數十人賊勢稍却諸兵對江而陣時南風甚疾公遙
望賊在下流舟相尾曰是不可用赤壁策乎即運葦灌
油擘小舟薄之炬舉風起烟焰蔽天賊亂溺死者枕枕藉
濠遂成擒事聞詔卽陞公江西右叅政時城新破民物
剝蕩又浚水爲災二三巨壩屯兵久駐貪暴加慘公拊
循經畫勞甚今上登極首議賞格言者謂公等縱部
兵殺掠太多議久不決公亦屢疏乞休乃詔陞公左布
政使致仕公歸口不言功有問者亦不答也杜門玩經
史自樂修家譜買田置義倉以濟族人之貧先墓久湮
者各表石識之公性剛介寡合然遇人以誠有君子長
者之度焉爲文章典實精確所著采芹餘興北行紀事
秋臺小記憂居歸閒二錄水曹日記章貢雜稿江藩隨

筆歸田野語藏於家生天順壬午七月十七日享年七十有一配安人楊氏子五長鑿次塩次址次坊次堯府學生女一嫁士人劉輅銘曰

維古郡國民兵是職于以附衆于以威敵今之邦侯壤地攸似簿書其營邊卹武事顯允那公奮起于時文治武功式克兼之虔萃寇區桴鼓數起撫順摧克所向披靡惟公之謀決勝制奇渤海潁川芬烈與夷漢漠不道亂我天常我致其身義旅肅將赤旗陽軍于黃石烟塵書冥電掃霆擊惟公之忠毅形於邑革其勁勳以定反側天眷 聖明宸極有歸江漢廓清天日澄輝惟天生賢寔以資世平國大難若儲而俟 帝曰休哉惟爾膚功何以報之嶽伯之崇公則來歸角巾私第避寵辭榮人孰我忌惟其名德福祉優優永世弗忘紀石茲邱

金山堂集卷第三十目錄



誌銘

叅議符公墓誌銘

朝列大夫浙江布政司叅議徐君墓誌銘

贈奉政大夫浙江按察司僉事朱公墓誌銘

奉政大夫福建按察司僉事伍公遷墓誌

南京守備晏公墓誌銘

知府馬公墓誌銘

知州郭君墓誌銘

金山堂集卷第三十目錄

參議符公墓誌銘

公少刻厲讀書寄食城北浮屠廷不踰戶閭數年學藝
大進以禮經占弘治乙酉江西鄉試明年舉進士南省
第五人選知溧陽縣法古爲政諭民重禮敦俗督勞農
田濬築陂渠瀦洩以時旱潦有備鋸止豪右屢察疑獄
脫數人於死徭役編審有法吏不得爲姦修學舍祠名
宦鄉賢立貞女廟作義阡遷塋八十餘塚溧人鑄石頌
焉陞高州同知丁父憂服除補辰州改作黔江淑浦二

學以乘山川之秀召吏民子弟親爲講說誘勸以文藝
學者日起正德己巳擢爲廣西按察僉事分巡左江會
蓋賊構亂一日謀報賊衆分攻平南貴桂三邑公卽督
兵馳至平南江伺賊半渡擊之殲其衆魁中流渰沒不
計其數自始發兵及後賊所以破滅皆如公計衆謂公
儒者料敵制勝乃爾潯衛將有與卒訟田而久不決以
危言脅公不爲動竟質平焉潯民奏田少稅多期得減
賦公曰必使田浮則欺上必使稅浮則損下當驗實使
田賦兩平耳已而田果不少衆帖服公乘險阻冒瘴霧

公所爲政志在便民有所建置期必行雖忤上官
不少恤不能効世吏飭厨傳將迎所至有聲蹟而貴勢
多不合以此淹久無助處之裕如也公不苟取予在溧
陽於廨後得古藏銀悉易穀以賑貧民居家盈縮無所
問家人時以匱告徐曰若等自經理之可矣杜門脫物
十有八年足跡不一至城府提學使者請主白鹿書院
亦以疾辭朔望謁先祠坐堂上率家衆道古今孝友節
義定規約數十事俾世守之公於書無所不觀自經史
子集至於天文星曆地里醫卜罔不研究手自鈔錄垂
老不輟其於學大有得也所著有活溪存藁若干卷選

唐宋元國朝近體詩歐蘇文選醫家纂要地理集奇諸書藏于家公諱觀字衍觀學者稱爲活溪先生姓符氏世家新喻之金田祖諱剛考諱勤皆鄉里長者考以公故贈深陽知縣公生正統甲子八月十八日享年八十五有嘉靖戊子九月三日卒配張孺人先卒塋頰江之南楊家寨卜以卒之明年月日啟壙而合塋焉二男子錫琬也錫好學以文藝著稱通判韶州徵爲太常典簿至是錫奉狀拜泣請予銘公之墓予觀士大夫能學不厭及仕號爲廉靜謹潔不爲利疚雖處隱約不以爲悔

而系以銘非獨慰其子乃亦以詒於今之士銘曰

符公樸迂貌也癯家食無儲富藏書爲吏淹徐耻競趨威行惠濡弊以祛歸老一廬靜恬愉惟學忘劬行播與

鏡石埋詞賁幽墟

朝列大夫浙江布政司叅議徐君墓誌銘

君姓徐氏諱瑾信之其字也十歲能屬文倪文僖公一見奇之謂其叔祖助教公曰徐氏有子矣受叔父命憲公訓學益進弘治庚戌登進士第觀政戶部嘗攝監收倉粟能革諸弊給賞遼東官軍被徵輿疾不以勤辭授知華容縣屬歲歉寬禁緩責勞徠賑卹全活甚衆縣有

黃洋渡雨潦時至冒其旁田溢爲巨浸君問知其弊乃發卒隄築延數百丈仍歲大熟民則歌呼曰德我者徐公平由是相與名曰徐公隄云均編籍之役置平糶倉治狀稱最入爲南京戶部主事改工部分司儀真丁母憂服除補南京刑部陞員外郎郎中君治職勤敏奮欲有爲操憲任法里中舊故請謁拒閉強明自信者也然擢貳浙藩未幾輒告罷嗟乎遇合興廢不可違于命蓋久矣况持獨恃難合之見以居羣觀儔訾之地雖慎履矜行猶難之世嘗謂君爲同列所中傷或置懟愠其間豈知命之調哉君去官家居益貧然不以屑意時集名雋彈碁賦詩曠行竟日未卒數日猶然忽告君被疾遽歿遠近歎息浴閔焉其卒之日嘉靖三年四月某日也距王景泰庚午年七十有五徐氏蘇人入國初爲江寧人曾祖諱樸祖諱本父諱溥皆弗仕父以君故封刑部員外郎娶某氏生子四人忠道忠謀忠爵忠諱女適士人林陸孫男女各三人君善於爲文尤喜作歌詩所存有石林藁若干卷是年十月某日塋於某山祖塋之次太宰建安楊公謂嵩曰信之吾同年友也于浙又嘗爲僚信之直厚而簡易不爲城府交久能敬仕而才惜弗究其施也其卒吾無以慰其孤惟塋有石將子是託焉

明日諸孤奉通政叅議黎君狀以至中公命乃銘詞曰
車堅御良周道孔夷孰遏孰擠而蹶其馳嗟乎徐君委
順何尤太宰篤舊予聞厥幽

贈奉政大夫浙江按察司僉事朱公墓誌銘

贈奉政大夫浙江按察僉事朱公今巡撫湖廣都御史
克諧之父也奉政公以正德辛未三月二十日塋宅東
之先塋十有七年矣嘉靖丁亥十二月十八日都憲自
河南叅政還遷墓于南昌廖方山之原啟夫人馬氏之
壙合而窆焉禮也至是都憲告予曰先親之不幸不肖
之也

也囊無銖金篋無匹帛以歛嗚呼其可哀也惟是塋未
有銘非敢緩蓋有待也茲願得子銘追納諸壙中庶幾
以慰吾親於地下以塞吾悲嗚哀其詞諾焉蓋都憲於
正德間以選爲御史舉職無所避忤逆瑾意勒停家居
怒猶未釋復責輸邊粟數百石當是時顛沛播越甚矣
夫人聞報憂悸遂至大故奉政公謀鬻貨以給其費雖
勞瘁窮阨而不以咎其子曰是道當然也及瑾誅詔起
都憲于家而奉政公不祿矣嗟夫居位盡職仕者當然
也自都憲嬰瑾之禍爲善者懼矣及起官郎署歷藩臬
聲績懋著陟今官大顯于時誥書追榮其親然後論者

曰履正終吉天子善人無不報而固有遲速焉故予于
書公之塋也首著其事如此以爲世勸而後叙次其世
而系以銘公諱層字大壽進賢朱坊里人也宋德祐時
諱雲字德敏者無嗣以女弟之子豐城袁氏敬叔爲嗣
今朱姓敬叔之後也四傳至國初諱夢炎字仲雅者仕
至禮部尙書從弟舜字仲韶以明經舉本縣儒學訓導
伯仲聯美家有廣庭植桂二株人號雙桂朱氏訓導生
子文宏文安二子次日繼初繼初生孔寬公之父也公
審德厲行稱鄉里善士夫人協力儉勤植其家公生年
月日享年七十又六歲人前卒戊辰冬十二月七日

七十子二人長卽都憲名廷聲克諧字也次廷用孫男
璽珏璣璠珍琮曾孫男七尙幼云銘曰

朱世大家顯自尙書八座奮庸以有令譽衣冠之傳徽
久弗嗣爰復其初暨公有子權疆所忌夙與甌逢教以
義忠昌怨曷同屯艱榮觀物理相紹孰知公榮乃在身
後 皇有錫命秩號賁幽昭德琢辭以勵好修

奉政大夫福建按察司僉事任公遷塋誌

公卒且塋二十年矣是淮正德庚辰之歲子湘濡視地
於里歐源江鳳山下謀改塋冬十有一月壬申乃塋乃
奉書加幣告于太史氏嵩曰先公嗣德象賢實大有家

爲孝子涖官有惠政爲良守長有捍賊功爲各監司維
是遷晉有誌敢以請惟伍氏遠有代序自臨清丞諱洪
者國初進士公之高祖也曾祖諱綸祖諱冕仕至樂清
令贈監察御史樂清生二子長封員外郎諱體祥次御
史諱驥公之考也公諱希閔字仲孝舉進士釋褐得隨
州守繇隨州拜福建按察僉事奉勅專駐上杭上杭者
御史公所嘗建功之地也蓋天順間有寇起上杭御史
時按閩督帥討平之染瘴癘興疾還京歿朝廷命立祠
置祭賜額褒忠至成化間杭復有寇劉昂起攻城劫獄
在廣接壤爲之動播省臣合請廷議增設兵備憲臣在
治吏部以公名上遂拜焉公至謁祠而後臨政其爲
子以此隨湖廣大州也然民罕土著多遠方商販朋比
爲姦有猾商欲奪鄰賈財得巧者毆斃之以訟賈賈不
能辨將誣服公坐猾商而賈獲免富室嫠婦無子其所
贅壻與父之兄子夜入室殺嫠婦竄其財而詐以盜訴
公疑非盜詰其情得同謀誅之旱澇民多潰散公撫字
有方流亡薦復生齒日繁其里戶二曰歸仁歸化者公
所增也其爲良守長以此劉寇之發連結武平永定衆
至十萬議者欲殲三邑公至則力止之以討賊自任乃
首務招服放免者以千數渠魁投見勞以酒食俾擒賊

自効立二團營招撫脅從者居之以散其黨其驍執弗
下者廼擣巢擒之未幾漳寇溫文進又起公親統精銳
兼道倅至一鼓平之分巡汀漳詢民瘼剷蠹弊斥貪墨
理冤抑禁賭博風采整肅當道屢疏薦杭人甫公像卽
褒忠之後堂祠焉其爲名監司以此公丁繼母憂還甫
禫巡撫汀贛都御史金公澤言上杭自公去嗣職者不
勝任桴鼓數起請還公舊治詔如金公言於是公在杭
凡十有二年每給由輒奏留之最後以地方告靖得行
過家卽引疾乞休矣公少與從兄方伯公孟賢並稱類
異業春秋有各其所著訂學也傳以爲式旣歸構別墅

宜橋時方伯亦謝政觴集怡怡如也其生正統丁巳九

月二十六日其卒弘治己未六月二十三日年六十有

三夫人王氏有淑德子男二曰湘濡也銘曰

伍氏大姓顯人世多御史暨公父子甲科烈烈御史按

治于閩披攘大盜義聲以振 帝曰忠哉捍患勤事抗

土之南作廟攸祀後二十年公繼其夾身冠繡服以進

兵臺行臺嚴嚴實邇公祠攝事致謁庸謹孝思革其動

勤綏以靜治卓緒殊聞公考是似公昔戾止邦人父寧

公之歸矣桴鼓數興材之具宜而弗遠至位止于斯惟

命之制公歿既久遷墓在茲惟名弗斁乃刻銘詩

南京守備晏公墓誌銘

嘉靖甲午六月十有二日南京守備司禮太監晏公卒于位年七十有二公性恬約被服儒素非賓會食不重味一室蕭然圖史外無他玩好歿之日幾不能殮衾槨敝䟽取足斂形已矣留都公卿百執事下逮閭閻卒伍之微咨美悼歎之弗置嗟乎賢矣公諱宏字約之其先楚人也幼入禁庭侍 孝宗皇帝於春宮弘治初以舊勞累陞至太監賜蟒衣玉帶內府乘馬雅善書法 孝皇特賜端硯以寵異之勅督京通倉儲蒐革積弊關節

香

秦陵居二年遂乞養疾杜門越十有三年

龍飛首起公鎮守陝西召對便殿玉音勞遣之公既至鎮務以德惠拊循其人興墜補弊不遺餘力貶損駟御廩餼取給朝夕倣古義倉意置餘廩以贍貧乏尤重文教崇飭先聖及武成之廟增補通鑑綱目小學諸書刻梓以傳治績超美 天子賜勅嘉獎擢南京司禮太監俾領守備則雅操彌勵一鎮以靜數以老疾求代溫詔慰留旋召入典東廠蓋 上意矐注方置宥密而公已病不良于行矣初公失怙恃莫省所在既貴悲思營虛塚具衣冠以塋疾革戒家人以賜硯殉蓋其忠孝大節

如此於是 上聞賜諭祭詔有司給驛歸公之喪葬都城章華村其孫英哀泣請銘於留都諸大夫諸大夫合詞曰司禮行應銘銘必得史氏乃以屬嵩嵩攷前史闕尹氏若景監繆賢史游呂強之儔皆以懷謹納忠有所補益名焯焯在史冊乃今有忠公靜廉守職奉法如晏公者是可使之無傳也哉銘曰

繫古宮卿房闈是職筦執要華沿代靡極于惠于威叢暹類殖嗟惟司禮廉靜方直處潤弗膏踊躬允飭有赫堯明皇鑒如日星枉遂良起公遺伏休命肅將所至宜力三補懷仁舊京用輯室有餘編囊無羨積美軼往賢動幾軌則壽考令終久言報國正帝聞其咨輿情孔惻章華之村爰卜窆安我銘易從惟以書德令譽弗諉來者斯式

漢陽知府馬公墓誌銘

漢陽知府致仕馬公諱輿字良載正德庚辰閏八月二十六日卒明年二月十九日塋堰川西山之原適予北上道嘉興其季弟輯從子郡學生淮奉狀泣拜請銘嘉守徐侯子謙亦爲之請曰此邦之長者也願無靳於銘予諾焉從其家得公爲御史時遺疏而讀之當孝皇臨御時崇獎言職公感奮自効多所論列糾劾權倖諤諤

無少避禁犯天津陳六事言甚剴切 上皆嘉納焉兩
廣都御史秦紘劾總兵柳景不法事景遂誣紘以自道
朝廷貸景而罷紘官公率同列躡景臆濫貽害邊民紘
爲風憲大臣明正典章分所當然其忠所宜獎乃被譴
逐其何以慰邊徼人心而風厲士大夫 上悟置其事
而紘後擢爲戶部尚書南京守備內臣驕恣不法鑿石
聚寶山之陽公按覈其罪嘗詰捕徽池按江北屯田監
權龍江關風采茂著時稱之曰才御史云公生而超異
器宇宏偉舉成化丙午鄉薦丁未登進士會 憲廟升

奉詔採修江南實錄還授南京山西道監察御史羅
知南陽府調知漢陽未幾以親老乞休論者謂公可大

屬乃早退弗究於用豈其命耶平居憂先天下每見時
艱輒嘆息不置問閭利弊力白郡縣罷行之長厚和易
雖接幼賤假以色辭覲德飲醇者弗忍欺焉其先正統
戊辰十月某日年七十有三元配沈氏贈孺人繼沈氏
貞靜有至性公沒後悲慕晨夕哭不絕聲後八日自經
死公無嗣今為嗣者仲弟輪之次子坤也馬氏其先蘓
州人公之祖諱榮始遷嘉興故今為嘉興人考諱驥封
監察御史妣葉氏封孺人銘曰
馬侯振振遭帝聖仁正色危言直道以信載其方端弗

毀于素漢濱南陽竟與時忤退處而休孰怨以尤順正
歸全乃闕茲邱

霸州知州郭君墓誌銘

君諱坤字崇載姓郭氏裔出唐節度使汾陽王世家大
原十世祖恩始遷高平乃人稱高平郭氏云曾祖諱欽
封監察御史祖諱質河南光州知州考諱定進士歷知
通鄭邳三州事所至舉其職娶邢氏生君君少刻志問
學領宏治己酉鄉薦任陝西藍田知縣其民素悍且侈
君治悍以法易侈以儉俗稱稍近古宿豪大猾畏君如
神明或道走境外治以嚴聞雖霸州知州幾輔近也
多權貴人君鋤梗植伏弗女貸其在藍在霸並遭災餓
祈禱輒應發廩賑貸二方之人德之大盜劉七起境內
勢甚倡獗君單騎抵賊所開陳禍福反復懇至賊感泣
惶恐約且解散聞者曰是果汾陽裔耶會逆豎索賄于
賊激之南下攻屠城邑遠近騷然向使君之謀不撓即
禍當不至此烈也有權璫者奪民田君按以法或曰彼
且銜公奈何曰吏以庇民乃殃民以自庇邪執不變權
璫者竟失由君亦竟為璫所中罷去家居不問世事足
不履公府日與所知觴詠自娛而已年六十有二以嘉
靖丙戌正月廿有九日卒後十有一年以子璿在諫

議 賜誥進階奉直大夫配王氏封大宜人當君之存也太宜人相以儉德故君雖貧而若裕其後撫二子教以義方故君雖沒而益振稱賢配焉後君十有九年以甲辰六月四日卒于京師官邸享年七十有九子男二長即鑿歷戶科都給事中陞太常少卿掌四夷館事次鑿戶部郎中孫男曰治泰曰治統于是太常奉太宜人柩西歸將以年月日合塋於君北莊之墓而請銘于予予聞之語曰有陰德者後必大郭君世為良吏其治人之澤殆不可縷數然仕皆不甚顯又躋擢以歸乃今太常君自中相繼舉進士為卿大夫業業未久又天道豈不

通哉誌而追銘之俾為善者有勸也銘曰

汾陽之孫其澤尚存高平始遷曰惟太原延德不替洽於後昆以威治霸霸民懷恩方盜始起一言可諭及其既猖三軍真禦吏率自芘罔民之恤君志恤民力犯權敵鋤強樹良厥政屹屹除彼狼莠嘉穀以植光鄭之績歷霸再揚三世親民遺清白芳天降餘慶厥後乃昌福以考終聞則無疆淑配慈儉後隕同藏勒珉新阡以夫弗亡

欽山堂集卷第三十一目錄

誌銘

封翰林院檢討郭君墓誌銘

封尚寶司少卿徐君墓誌銘

贈南京工部員外郎葉公遷葬誌

榆次知縣崔公墓誌銘

適齋簡先生墓誌銘

拙齋袁翁墓誌銘

安處士墓表

汪處士墓表



劉處士墓誌銘

山堂集卷第三

誌銘

明故封翰林院檢討郭君墓誌銘

君諱錦字尚綱姓郭氏南昌豐城人也世居縣西北十里曲江之上兒時舉止嚴整不肯同羣兒戲里中長者多器之父淇川翁諱俊嘗行賈吳越間致饒裕以貲授君使習賈君雅不喜賈又不善權子本低昂歲餘貲貨遽耗請於淇川翁曰此非兒所能願改往業儒淇川翁許之君於是負篋徒步從師受易又受春秋已又受尚書精于尚書工爲文詞顧就試有司連弗利則嘆曰敗

於賈困於學命矣夫於是今贊善君希顏生六齡矣穎異絕倫君感夢有異徵乃又歎曰吾聞積不厚不發窮不極不通意者其在吾子乎遂杜門不復就試以尚書授希顏朝之講辯鈎引穿貫與析隱測而希顏克傳其學嘉靖壬午希顏年甫十四髮黝然垂頰而舉于鄉鄉人觀者駭矚盈堵洪川翁大喜曰夫士惡可弗擇所習邪吾兒果成其志又十年希顏登進士入翰林爲庶吉士授國史檢討又二年 皇太子生君以恩例受封如希顏官又三年册立東宮希顏被簡陞春坊右贊善仍兼檢討君寓書諄諄勉以效忠蓋希顏不獨以文墨稱

其邁往勇特執議備當所自信不少徇于家言折薛學士祀議及監國議下又獨抗疏以爲不可嗟乎固可以觀君之爲教矣君素端肅以禮自將所居曲江介豪族而豪族人嚴重之莫敢有犯平居不干預官府事獨與親知結里社歲時伏臘會飲盡樂飲雖多揖讓愈飭蓋其性行如此去歲庚子九月二日君奄卒于家先是傳君得腹疾飲食頓減希顏悸不自定謀乞歸養而訃已至距生成化甲辰八月八日享年五十有七曾祖諱原德祖諱惟信皆有隱德配雷氏封孺人子男四長卽希顏次希曾希思俱縣學生次希益早夭女一

通縣學生杜遷善孫男二汝寧汝成希顏解官歸將卜
某年月日於某山之原以塋而匍匐持其友閔中允所
著狀詣予請銘以饒諸石夫以希顏之材之地崇顯可
捐取有而君則澹然不少待然其後也其所克享者又
惡可涯涘哉是故不宜無銘也銘曰

業賈易儒既室而通操誦致贏利孰與豐山川出雲膚
寸晦蒙厥施靈霽瀕于太空君子用遇不必自躬式穀
貽嗣維以教忠湛恩遐祿未見其終尙焯于潛銘告無

封奉直大夫尚書同文館徐君墓誌銘

君姓徐氏諱元相字弘弼常州宜興人少師兼太子

師吏部尚書華蓋殿大學士贈太師特進左柱國文
公之子也上世鍾離人南唐時九世祖諱綱者尉於
愛宜興山水之勝遂家焉高祖諱福封戶部郎中曾
諱鑑永樂間知瓊州府事有惠民立祠祀之祖諱
隱德不仕自戶部公三世俱累贈少傅兼太子太傅戶
部尚書謹身殿大學士祖妣妣俱一品夫人君少則穎
敏日能記千言爲文出句輒有奇氣而限於足疾因棄
學業守家事幹理井井有條文靖公旣入相以俸餘建
家廟置祭器及爲義田以贍宗族君將事承志有助焉

徐自遷宜毓靈秀令德起家自瓊守餘慶迓祥發而厚
篤生文靖相 明后功在社稷昌厥後飭躬訓禮來庭
授義洽宗姻達賓友世德方隆復遐壽諸昆蟄蟄登章
綬紫雲佳城何永久鑱石勅詞示弗朽

贈奉直大夫南京工部員外郎葉公遷塋誌

嘉靖壬午之秋南京工部員外郎葉君鵠以詔例得贈
其考石山翁如已官階奉直大夫距公之卒且塋七年
矣工部視地於邑來蘇鄉之吳塘謀改塋壤厚流匯卜
者曰祥癸未五月二十一日塋焉既乃礮石刻制詞樹
墓上而屬嵩誌其世系里居事行以昭示永久誌曰

清父諱志顯娶龔氏生三子伯明德早世仲珠任爲

春縣令季卽公也端直信厚篤行友睦兄卒撫姪恩甚
嘗割地以益其居民鬻產者必厚償其值曰彼以貧故
也建橋濟涉發儲粟賑災其貸而弗能償者未嘗問也
公以上世皆弗仕永春仕亦弗顯故每督諸子以學禮
經師於塾姻族子弟招致館穀費自已出配丁氏有賢
行能助公所爲由是卒見其子舉進士授浦城令擢六
安州皆迎食其祿鵠修職有聞率公之教然論者以公
積德累善宜有子而非特其教之力也性不善飲雅好

賓客燕必盡歡危坐終日不以爲勞既老而精神愈固
正德丙子十一月十二日卒于六安之官舍年七十有
三生正統甲子十二月二十三日初配丁氏繼配以周
氏子五人長鵬次鵠卽工部次麒次麟次鴻女二人孫
男十人欽鏞鏞鏞鏞鏞金鈞曾孫二人工部再起守蒲
州以至今官而子鏞鈞俱幼有異質績學大成葉宗將
曰盛公之慶未艾也銘曰

葉系石林肇居弋陽再徙羊石代晦其光積厚發闕初
齋終侈簪笏升朝繫公有子子有祿食親則享之人曰
子德公實宜之公歸既完公澤靡竟雲仍說說以篤其

慶榮光下燭錫命自天峙此銘詩爲告新阡

榆次知縣崔公墓誌銘

榆次公旣卒且塋二十有八年矣子三畏爲南京刑科
給事中而奉其母太孺人楊來居無何太孺人卒予往
弔給事袒括號慟拜且祈曰先君之卒也三畏幼愚且
賤銘誌未備茲以母喪還將卜日合塋於榆次公墓惟
先生哀而賜之銘予教國學於給事有一日之雅弗克
辭按狀榆次公諱岑字萬峰姓崔氏家世蠶人曾祖顯
祖甫儀皆弗仕考諱翔舉鄉薦爲含山儒學教諭公承
家學繼舉于鄉遊太學大司成稱其文以示多士士從

遊者衆居父塋墓廬講學不倦數上春官弗第就選爲
榆次令邑大健訟難治公割裁無留事以其餘力勸學
校公署圯敝者一新之督諸生程課親爲講說訓誘學
者日起征虜大將軍師出境上車徒數萬張甚號虎公
從容酬給芻糗資犒接濟有方闔境倚以爲安治榆五
年惠立威振旁近諸邑罔不賢榆次公者然公性介特
英邁自負以蹇直事上官上官卽非禮遇之不爲屈既
有違言則慨然歎曰是不可以已耶卽日謝事歸養
後榆次人勒石作去思碑又述公治績彙爲錄傳焉

卒于正德丁卯九月二十四日享年五十五歲

三聘次三畏鄉學第五人進士甲科出宰大谷考最擢
今官授勅命贈公文林郎封母爲太孺人太孺人溫慎
儉勤克稱內助卒于嘉靖甲午八月三日享年八十孫
男四孔登孔躋孔升孔愚女三適某某孫女三亦各許
聘士族銘曰

崔氏迺德業治經博曰職訓端範刑公生剛明恩奮升
再仕弗耀後乃與爰有苞羽翔 帝庭如源斯瀦流澗
灣銘勒玄石揚芬馨

適齋簡先生墓誌銘

適齋簡先生今大理丞騰芳之父也大理爲御史按注

擢今官念先生年高過家欲留待先生屢趣之曰往哉
共職圖報無以我爲念也於是大理不得已乃行獨居
京師嘗鬱鬱增疾乃今訃至先生之卒嘉靖九年五月
三日也年七十有七大理解官歸將以年月日葬某山
之原而屬嵩誌諸墓嵩姻也其奚以辭謹按先生諱處
字緝典以字行臨江新喻人曾祖諱某祖諱顯漢考諱
應慶皆隱德弗仕先生少穎異過人弱冠卽爲鄉塾弟
子師端嚴謹重里中人爭延致之久之弗樂羈束棄去
携貲一涉荆吳之境間遇奇勝篇詠逸發已而輒復還
曰適意而已豈必窮所至爲快哉先生嘗自謂少無能
兄弟未卒所業結屋東園督諸子續學其間外櫺兩芝
繼生人以爲瑞大理風稟英特造詣閎肆先生固心偉
之曰是當成吾志已而大理果領鄉薦報至衆賀芝不
虛生先生口未也已而舉進士宰石首黃岡二縣已而
召爲臺有馳封之典先生皆預策之如所期焉初大理
令石首迎先生就養弗許語之曰潔已行端恕人量廣
審思事得作善福與茲而有能爲養大矣故大理所歷
有善狀以清白著稱超副九列爲時能臣先生之教也
先生自奉甚樸服無華章室靡媵侍至族里周恤加厚
撫外氏之孤匡厥孱陸賴有立焉元配黎氏同邑步溪

望族有賢行封孺人繼配閔氏子長卽大理霄騰芳也
次縣學生霖次秋芳女適敖周翰先生博通書史旁及
山經地志陰陽琴卜之學善以時日卦例定事休咎毫
髮不爽凡先生之行出大理所自述又得太史歐君崇
一所著狀皆合予乃爲銘曰
惟意之爲適匪以好遊惟義之爲訓匪祿養是謀嗟若
人兮好修其藏茲邱兮銘以闡其幽

拙齋袁翁墓誌銘

分宜異時其俗朴其人淳龐故多壽考拙齋翁雖既老
其人里門必步鄉飲禮請不數赴優老恩例受冠帶非
其好被服布素鮮綺不肯一御子孫不能強也嘉靖乙

酉正月四日以壽終年八十有五云翁諱璋字宗鼎姓
袁氏其先自寧州西山徙分宜入國朝族始大號車田
袁氏高祖諱子芳生彥明彥明生象賢領永樂丁酉鄉
薦象賢生正理翁父也翁生而敦重不逐羣兒戲十歲
喪母鞠于祖母夏侯氏夏嘗語人曰昌吾家者其此子
乎君外樸而中慧遇事剖析有條善治生身致殷富雖
歲居月積而施舍哀益相爲流通識度恢濶銖兩不數
數較然計所獲乃倍他人數較銖兩者少時父遣之
治粟于莊令取遺利自殖翁卒事無纖毫私曰吾兄弟

何可青之人有急難周之恐後里中貧窶待以舉火時
幣暴露掩塋尤衆兄子二人早世翁盡力經紀其喪而
撫其遺孤皆有立其篤於義如此然匪以學蓋天質也
初娶黃氏繼夏氏並有婦德子一人曰怡太學生予少
則與太學君同邑校因始識翁翁以冢孫應樞求婚于
予先祖尙書公曰袁翁令德長者可弗諾諸卽主聘焉
應樞今選貢禮部孫男六人次應蘭應惠應槐俱邑學
生次應桐應芴女適陳相黃乾曾孫男四銳鏗欽鎬於
是翁塋縣西昌田墓上撰矣予嘗許爲銘久未執筆也
應樞屢奉父命以請遂一乎德人云亡不可作矣向之朴
者日以澆靡叙次翁而系以銘庶幾以識余之慙

云爾銘曰

世競利以讐兮吾昧言而弗取世徇後以怙兮蹇獨安
此素履嗟哉拙翁敦樸自躬如璞未斲有美在中厥邱
崇隆厥木蒼慈厥來多祉施于孫子

安處士墓表

江之南有遺佚之士常州無錫候村里安君嘉靖十三
年閏二月癸丑終于里第明年二月乙酉塋于膠山塋
之日四方來觀駢軫接轡溢于塗川子裕州大夫遣使
告哀乞辭留都於是琢石紀德揭于新阡云君諱國字

民泰其先黃姓高祖叔英來繼于安明善氏則是族之本也父諱祚娶司馬氏溫國文正公之裔是生君君體質豐碩儀止詳華開朗之識發乎髫髻年弱冠爲州閭所服兼覽羣籍靡不尋暢恭已飭行愛衆親仁微密儉清晦而不耀山是月且高於鄉評究其所立可謂好禮尚志倬出不群者矣君初承世基夙號殷裕既自崛起大振原田芴芴困倉戕戕錫川之稼如茨如雲父歿後不數年富侔封君矣然君志軌先民而不規近俗之陋氣凌物表而希播百代之風是故知貴勤以食力也故

考林澤省農時佃夫繡人出不息之米以補其役知捐

財以植義也故恤憊發賑窮乏焚券盈庭蠲租二萬石養無告之老知禮義以阜俗也故闢門延師號曰義塾以教里之子弟知景行以崇哲也故飭李忠定張中丞之祠知利濟以廣惠也故甃通商之磴鑿溉之渠發濬塘之粟知篤親以尚厚也故撫猶子之孤賑舅氏之落賙業師之塋其它義行不可殫述初尚書西蜀李公巡撫東南講求水利時濬白茆塘方牽作舍之謀屢怵盈庭之議及得君指畫方畧舉措合宜勸懲有法民勇趨事迄于成功公大喜恨相見之晚尅發海島中丞伍公延君至幕下策多咨焉事平伍公言于朝爰有銀牌之

錫君雅負經畧志存烝人俾獲用世厥所建立又豈少哉君嘗言曰昔人足蹟半天下而吾不出環堵亦吳人已爾乃北遊燕薊攀銀山望天壽抵居庸觀日岱宗視禮孔林已而泛大江躡匡廬循襄漢以憇于武當又道荆溪登龍池涉震澤窮搜天目諸山乃東至海上掠錢塘探禹穴窺天台鴈宕而還遊各有圖紀之詩君所爲詩卽事暢懷高遠清逸自成一家言然則遺物超俗可觀於斯矣君譽聞遐邇所至達官重卿虛館授祭文人隱士雲附景從或以爲江南大豪不知深慈樂易敬讓以得也方將遷於洪厓騁遐譽於關洛凌字皆以高擢踴烟雲以長遊予齡五十有四遭病而卒聞者惻惜焉君有子七人如山舉進士甲科入選中秘出領方州如磐如石如京如岡如陵如某皆競爽雋茂過庭受試學有造就予以歲丙戌典教國庠如山來立館下溫敏而有文雖長膏紈不見盈後之色雍雍恂恂有足異也因撫之而嘆曰蘭生謝庭玉產崑岡其有自乎已而觀故相邃翁太宰龍灣廖公尙書二泉邵公鳳山秦公往與君相善咸有論撰炳炳可考於是慨然痛君以遠志卓行溢然淪亡徽美弗述後將曷傳綱懷高蹤式表幽隧用貽于後之有識者云爾其銘曰

於惟安君稟氣淑靈含和匿耀避迹巖局耽藝樂術貫
究典墳振展雲嶽弭棹蘭津坡山之幽桂樹叢生婆娑
謳吟遺忽世纓鳴瑟在御談扇猶新鴻儀零謝觀德無
因懷哉永思刻石紀文身歿各流億載永芬

汪處士墓表

汪處士歙州潛川人也家世以貴雄曾祖彥實祖仕賢
考承德高尚弗仕皆以義聞處士益振其先君之業能
不私其財以賙鄉里歲饑所活甚衆嘗製采著之衣千
襲以散施貧民夷佛嶺之道鑿石築亭以便行者率族
衆建祠祀先多行義事而四德色潛川之人稱焉

同遊齊魯有壽星者處士以金買之既而母子相攜
慟哭不忍去處士慟然歸其女而置金不問民饑無所
得食則赴水自漣處士亟募篙工拏舟拯之義聲震一
時齊魯之人稱之如潛川焉處士享年八十有四終于
家其遠邇歎獨窮窶之人皆曰汪公亡吾無所告依而
生訟爭弗決者曰安得汪公在一言即渙然釋矣其興
慕弗忘如此處士諱相字以輔別號澹菴生宣德乙卯
十一月三十日其卒以正德戊寅十二月十九日配張
氏有賢行子二曰柳曰櫛孫男四文柯太學生文翊文
瞻文玠俱郡學生予往讀少傳王文恪公所著澹菴說

謂處士春秋八十而有童孺之色曰近古之息心人也
既已得翁之爲人同寅潘公歛人也又亟道翁善弗置
嗚呼處士以一布衣而能施澤於人假令有官秩膺民
祉寄其不能憂人之憂澤之所及不尤廣耶而世有官
秩膺民社寄者視民之窮非惟弗加恤又從而厲焉則
如處士者其可不表以爲後勸耶系之銘曰

汪自越國肇封于唐勳在王室德庇其鄉繇宋歷元薊
火嚴祀璽勅金書昭于世世惟公之姓碩大延蕃其來
者迨如流有源孰散其藏而弗自有載其休聲以遺永
入惟公懋德實大其門壽豈令終說說子孫俾哉濟川
百室攸萃焉有後惟汪公是視

耕隱劉處士墓誌銘

處士諱暹字景暉劉姓本秦和株林與前吏部尚書劉
崧同出南唐學士某之裔祖世明徙家萬安石洲遂稱
爲石洲劉氏六傳曰明德者仕元爲廉訪司知事於處
士爲曾祖祖諱彥達以爲經魁江西鄉試仕終府學教
授父諱善慶正統己未進士官至刑部員外郎娶郭氏
生君兄第三人而君最季髮未梳卽失父母獨與二兄
居父更廉寡遺貲君推財聽兄無所校兄彙仕爲桂林
府同知君念家督在己乃不爲舉子學學爲詩甚渴探

金華縣志卷三
十四
鬼古籍名家句解節會久之放意敷詞往往不落世調
可覽誦又喜讀史研核今往興衰治亂之故間出已見
置論褒貶且慕許由善卷嚴陵之爲人颯颯寓遐心焉
劉氏世以節縮築富君尤朴嗇自善故產著益豐然顧
義而尙儉悵其女兒有子曰蕭垣少孤危君取鞠於家
爲置婚還其奪業竟得存女兒後性喜客隨具治食爲
娛酒酣輒誦先世遺文召諸孫及他子弟聽之自傷早
孤遇祖考愍忌必變服泣奠絕弗修浮屠事厭風水陰
陽拘忌之說每曰郭景純乃不自保其躬壘經何可信
人亦呼爲耕隱先生云君素鮮疾病嘉靖丁酉九月三
日微不適遂終於正寢生景泰甲戌年八十有四配蕭
氏繼配顏氏子男三長椿早世仲梅青田縣學訓導季
杞封文林郎龍溪知縣孫男五長天球次天授舉進士
初令龍溪入爲刑部主事次天錫天職天簡將葬刑部
以文林公之命具處士行實乞予銘其言曰先祖有善
弗揚不孝無是而稱之之謂誣不肖不敢陷於斯二者
其友陳進士昌積稱引克合可徵爲之銘曰
蓄也可以乘獲瀾也可以遠注揭揭處士植義務滋有
蓄弗施吾見其孫執憲而文是將大其門乎

鈴山堂集卷第三十二目錄

墓誌銘 墓表 傳

溧陽徐夫人墓表

封太淑人王氏墓誌銘

太淑人檀氏墓誌銘

淑人王氏墓誌銘

封太淑人李氏墓誌銘

封恭人秦氏墓誌銘

封安人陶氏墓誌銘

太孺人阮氏墓誌銘



安人周氏墓誌銘

封安人高氏墓誌銘

封宜人范氏墓誌銘

封太孺人呂氏墓誌銘

御史朱君妻封孺人姚氏墓誌銘

鄉進士唐君妻朱氏墓誌銘

李母傳

山堂集卷第三十一

墓誌銘 墓表 傳

溧陽夫人徐氏墓表

南京光祿少卿朝列大夫史公諱後之夫人徐氏以嘉
靖十三年閏二月甲寅卒以十一月壬寅塋從光祿公
之墓而其子進士際請予辭刻於隧首之石嗚呼光祿
公之歿橫罹讒誣聞者傷之矣當是時際孑然立外侮
叢至坎懷萬狀夫人銜茹悲苦獨撫其子曰往成汝學
必力以無墜父志際感奮折節才譽隱起一時名鄉文
士無不知之者由是舉進士甲科試政銓曹會奉詔使

金華縣志卷三
南方便道歸省夫人命服拜床下時夫人已寢疾一見
歡甚既而悲不自勝母子相泣閭里聚觀嘆息曰幸哉
有子乃再振厥世夫人之教也蓋越兩月而夫人卒際
克盡力後事云徐氏惟中山王開國勳第一世享爵秩
碩大顯盛夫人王七世孫太子太傅魏國莊靖公之季
女太子太傅成國莊簡公之外孫也蕃愛稠息弗輕許
字光祿公舉進士爲南京刑科給事中有盛名莊靖一
見器之遂許妻焉夫人柔明祇慎相其夫以正而順事
其姑以敬撫勝御以寬際前配王氏出也蓋視育之若
已所出嗚乎能不恃其富貴而克盡其婦道之遺因
拂鬱之來而安處之以俟夫天之心此學士大夫之所
難也而以女子能之豈不休哉石門之阡伉儷同藏厥
澤孔廷來者其昌乎

封太淑人王氏墓碣銘

太淑人王氏吏部侍郎徐公縉之母也始公之考封君
諱潮元配沈氏久無嗣聞太淑人在室有賢稱乃受於
王之廟而歸太淑人既入門敬以事舅姑茶以順夫嫡
徐故頑宗也家食干指泉貨出納之度先祭宿燕之需
男女耕織之業童僕之役其食飲服用盈縮之節緒錯
絲棼莫之適理太淑人躬任其勞凡所處畫條度整然

而沈夫人自讓其能遂授以家政上下仰成焉封君逸老湖山寄興吟咏築室治圃以奉親爲樂曾不內顧者繫太淑人是類太淑人生二子長卽吏部公次曰紳吏部舉進士入翰林爲編修以初考得地封沈而王例不獲封逮侍 今上于講幄擢貳銓曹于是太淑人始有今封使者捧誥書至第蒙以爲榮然太淑人不色喜曰封君之不逮也旣而公遭誣屢乃至落職以歸衆以爲惜然太淑人不色愠曰謗起無稽而成于不察過不在予也君子謂太淑人明於大誼令於慈誨可不謂賢乎

三景泰壬申四月廿六日卒嘉靖壬寅七月十三日享

年八十有九塋以明年癸卯二月十日墓在吳縣西洞庭金鐸山從封君之兆吏部以書來告嵩使刻辭隧首之石嵩獲交於公四十年視若弟昆誼不得辭謹叙而系之以銘銘曰猗嗟淑人夙稟懿質昔在若者慎所攸匹爰歸於徐宜其家室孝媚諸姑敬順弗失克勤任事肅共翼翼亦旣有子展也大成博綜墳籍蔚爲儒英爰自文苑遂陟銓衡誥書煌煌言卽于第玳首金葩龍文雙峙介福名堂維 帝之制始造之艱晚則多祉古稱媿耦萬福之原不觀夫人實大徐門以引勿替蟄蟄後

昆勒詞貞石以永其有

太淑人栢氏墓誌銘

太淑人栢氏錦衣衛都指揮僉事諱珍父也被選爲
憲廟賢妃其姊也榮祿大夫左軍都督府都督同知袁
公諱彬舅也初授中書舍人繼襲錦衣衛都指揮僉事
諱熹其夫也初榮祿公起行伍扈從英宗皇帝北狩
艱危踴護實懋厥功天順復辟卽拜錦衣陟督府恩寵
冠一時太淑人來歸其門族敬尊顯不見其有驕盈之
色敬事舅姑順承夫子仁卹姻族內外稱宜焉生天順
己卯七月一日卒嘉靖己丑七月二十八日其壽七十

有一九月二十二日合葬都城東北花園之原子三人
長天章錦衣衛都指揮僉事管鎮撫司事次某某先卒
女二適都指揮狄唐錦衣指揮張達孫一人良懋將葬
天章以予鄉人也故來請銘銘曰烈烈榮祿扈蹕沙漠
險難周旋執事有恪虞淵日浴渤海龍翔錫命酬勲榮
戟旂常燕及嗣人休有耿光婉婉夫人帝妃之姊來
嬪袁宗職鎮主祭歲時來寧列侯戚里文駟雕軒錯繡
紛綺維貴弗盈維富弗有載其德仁以峙永久孰豐其
川弗羨其源都城之東鬱鬱崇原夫也同藏松楸日繁
源美昭先俾世勿諼

淑人王氏墓誌銘

淑人王氏京師人歸於張爲錦衣指揮使其之次室年六十有四以嘉靖十年二月十日卒于乾寧之里第惟張世爲國戚里爵號命書燕及宗親顯盛光大淑人每至京師入朝 昭聖康惠慈壽太皇后留侍眷之翟繹文錦之袍寶簪珠珥之飾儲儲珍異之饌賚予甚厚時顧問家事及問閭民隱淑人數對有儀凡可惠利下人者力贊成之人以是稱其賢錦衣君元配金氏淑人佐之執謙敦素罔有違言門內與與如也淑人生子一人曰偉卓世女三人長適魏國公徐鵬舉次適瑞安侯王攝次適恭順侯吳世璠子某淑人之卒也 昭聖聞訃遣中官賜奠賻是年五月 日塋祔於先塋之次於是太師昌國公謀於宗人曰叔母有賢德塋宜有銘示後

過來請銘銘曰

託靈椒塗慶之多朝于內庭服委佗姻戚來壽車駟羅蓋其下世傷如何銘勒玄石永弗磨

封太淑人李氏墓誌銘

兵部尚書楊公總督陝西邊務之三年母封太淑人李氏卒于固原督府之寢嘉靖二十二年十一月十四日也年八十有一先是尙書以太淑人年高疏乞休致歸

養 上以邊場事殷詔奪之俸二級既乃黠虜犯邊公督師擊之績聞詔復其俸加太子少保君子曰賢哉楊公不遺親孝也勤事忠也至是有司議太淑人卹典詔遣官賜祭塋如例而厥考贈尚書匏翁歿且塋若干年于是并賜祭以從公之請蓋異數云太淑人姓李氏家世蒲州人生而雅重不妄笑言歸匏翁以孝謹稱翁筮仕幕職歷佐州郡以伉直忤貴倖屢瀕顛沛至空囊以歸太淑人浣衣蔬食自若生今尚書公少雄畧負氣蘄然覓頭角太淑人雖奇之意常抑之不假以色詞尚書舉進士授戶部主事陞僉事副使謫通判起爲山東布政使右副都御史巡撫四川遭詆訐家食三年復起叅政河南陞浙江按察使尋巡撫寧夏以陟今官太淑人皆至官食其祿既屬疾念匏翁毋欲置義田贍族弗果而尚書已割俸歸營其事則喜曰子克成先志吾無憾矣子男七人長守仁次守義次卽尚書公守禮次守智守信守廉守潔女四孫男十五曾孫男二尚書卜以年 月 日合祔于匏翁之兆而書來屬銘其墓謹按春秋之義母以子貴豈獨以貴又因以徵其賢焉尚書功在王室蔚爲名卿非母之賢而能然哉若太淑人者是宜銘銘曰

天欲生賢益人國必先令德施訓育于古爲教自胎腹
長而不遷乃習熟吁嗟楊母真令淑相夫歷艱儉自服
撫成尚書國器夙官箴在堂日祇肅天爲作善界全福
見子八座厚食祿龍章褒錫恩輝煜况成夫志惠里族
勸銘玄室流馨馥

封恭人秦氏墓誌銘

都察院左僉都御史黃巖劉公舜弼巡撫河北歸之明
年爲嘉靖壬寅五月二十七日喪厥配秦恭人於家公
歿之哀明年 月 日附葬于先墓韓山之陽而其子
士承祿入京師泣血予曰承祿奉父命乞吾母之銘
所以慰吾父之思也予悲其言不能辭爰狀恭人秦氏
世家山西蒲州父諱某仕至陝西按察副使初按察公
爲御史居京師與刑部郎中劉北村先生友善先生仲
子今都憲未授室間以婚請按察公諾焉秦家蒲劉家
襄垣兩翁雅相契合婚媾惟良不以千里爲遠也恭人
歸劉氏年十六而內外稱其有禮事姑張夫人每飯必
親操釜鬻烹調之不敢以他事解而姑安其孝都憲未
第時家稍不繼恭人卽脫簪佐費及舉進士改翰林庶
吉士授給事中旋以言被謫稍弗懌恭人趣之涖任曰
君豈不安於命哉其後歷藩臬至今官恭人皆從行隨

爭規益而夫賴其助此公之所以哭而哀者也恭人卒時年五十有二生三男子長承裕弱冠舉於鄉次承華承祥劉氏自北村先生科第起家伯子紫巖公仕至吏部尚書予與同官翰林歲丁丑與都憲同校文禮闈契分夙厚故銘也不可以辭銘曰

懿哉夫人婦所宗以榮繼興繫其功姑嫜內事竭孝恭相厥君子敬以忠關雎雞鳴有古風孰窺其庭肅而雍衆亂象賢當奮庸惜哉中頌壽不崇韓山峩峩鑿斯宮
詞鏡石垂無窮

封安人陶氏墓誌銘

徐君用中之母封安人陶氏以嘉靖癸未十一月二十八日卒于常州之私第方是時安人年六十九矣是君日謀歸養疏再上求致其事不得請常悒悒不
及及聞訃祖括號慟以書告其友嵩曰微官羈人爰
及大故傷哉卜明年甲申之十一月某日祔于考建安
訓導封刑部主事諱某之墓而屬嵩誌其塋按陶氏常
州武進人安人之考武岡州學正諱永以行義聞於鄉
博極羣書尤邃於經及門受教多名士安人生於武岡
之學舍少則淑慧以習于父母之教也故能通書史大
義仰俯有儀以閑於婦之則也故身姑謂得賢婦妯娌

敬事慕其所爲以爲女師以安于夫之貧也故績緝儉
勤出奩具以相其費而不言刑部素仇直非非是無
所苟合爲建安督課諸士以嚴安人曰是吾父常然及
聞其數以言忤監司則止之曰卑位仇言非福也盍歸
乎刑部由是罷歸以就其子之封蓋安人之爲女爲婦
者如此生子四人長學早卒次卽臨江君名問用中字
也次思次辯臨江康靜而文志期古人于世所謂毀譽
欣戚一不以屑意蓋有以自養者識者以是知母之能
教也女二適劉宗陽吳仁孫男四天叙天秩天衢其一

備錄曰

會於朝龍服以且里有名養婦三喜喜殖祿考終無
與夷仕則遠遠朝夕孔悲刻銘幽宮慰其子之思兮

太孺人阮氏墓誌銘

太孺人阮氏故儒家女延平守孫公諱某之次室寔生
今春坊中允承恩嘉靖初元 上登極推恩以受今封
太孺人始入門事嫡姚宜人得其歡心姚嬰末疾卧床
壽太孺人晨夕侍湯藥靡懈病亟以子曰恒甫者囑太
孺人曰是累汝矣可善視之太孺人鞠養顧復以有成
立延平公卽世內外多故太孺人幹理勤瘁中允君以
故得專力問學起家進士入中秘文譽著聞於時太孺

人性煦煦慈愛婢僕不忍譴呵寒燠必預治服履遺之見里中寒餒者愀然憐之而賑之身務儉約寸絲尺帛不忍妄費雖受封冠帔朱袍罕御以布素終其身焉初中允君官翰林乞告歸侍久之不忍去太孺人屢趣之曰爾荷國恩宜自効毋以我爲念中允君不得已行歲餘輒復思歸嘗册封安南及校文南畿皆假道一歸省最後則疏乞終養詞甚懇切上許之歸踰年太孺人卒享年七十有七於是太孺人稱備福中允君稱孝矣

不男克紹克懋次尚幼明年月日塋蟠龍塘延平公之中允自述狀以予藉同史局來請銘銘曰

厥家萬福攸始奕奕宮臣夫八人之子匪家之昌維之光爰以子貴錫命斯皇維詔後人刻銘以藏

安人周氏墓誌銘

安人周氏泰順知縣劉君桐之妻南京刑部郎中夢詩之母也刑部以主事初考例得地封其親當是時泰順自守其職每獨被勅有今封曰安人云安人靜而正儉而禮上承下御無不得宜蓋泰順爲諸生也貧而專於學既領鄉薦爲校官河南夏縣浙天台兩邑其貧猶然也而教學弗怠安人能以勤儉相之紡績紉綴敝衣菲食未嘗有怨尤悔蹙之色已而君擢宰漳浦泰順兩邑

及子成進士官于朝豐顯矣安人處之未嘗易其素也
泰順始迎二親至官邸食其祿其後春秋高不能復至
安人獨留家以養敬恭朝夕未嘗有違志而舅姑安之
忘其子之在外也安人生子四人長卽刑部次夢禮夢
賢次夢弼早世嘉靖甲申四月十八日安人卒于永新
之私第年五十有四蓋刑部敏銳躡絕弱冠筮仕劇曹
迅邁有聞遠且大未艾也而安人弗待矣生成化辛卯
九月二十四日塋于某年 月 日墓某山之原銘曰
偕其約弗隕獲處其羸弗銜盈德維令慶以增刻茲第
美可徵

封安人高氏墓誌銘

安人姓高氏福州侯官人封戶部主事莊公文立之妻
南昌守惟春之母也曾祖諱旭提學江西按察僉事祖
諱某承事郎考諱某清遠教諭安人在家以能事其繼
母爲父所鍾愛歸於莊能以事父母者事其舅姑舅姑
安之其處妯娌和而有禮其御臧獲嚴而有恩雖處豐
裕其自奉養未嘗擇衣食其治賓祭中饋之事既老猶
身親之家衆有能者不付也戶部君曰予教桐江瓊海
出而訓課諸生樂與賢士大夫遊能不以內事嬰吾慮
吾吾妻有助焉耳比予乞休歸吾妻喜慰過於居官蓋

世人之所慕榮與利者安人無嗜焉其端雅修潔天性獨得也生二子惟春舉進士筮仕戶曹歷知黃州南安南昌三郡治行稱最次惟禎安人以嘉靖五年七月十二日卒于家春秋五十有三明年某月日葬于某山之原于是戶部自述其妻之世出行事授之南昌以來乞銘銘曰

險教之興女有圖史師氏命之罔非內事世弊俗偷茲以弛於惟夫人稟受天至菲食卑躬靖慎明智言循經行協于軌弗勸而難死也女壯配淑亂賢有顯厥能古人輝光無此

夫人范氏墓誌銘

夫范氏太平知府龍公斐之妻太常寺卿暹之婦上死監蕃育署錄事復初醫學正科復祚鄉貢進士復胞之母也范氏之先蘇州常熟人祖隸尺籍于錦衣衛遷家京師是時太常公以能書直內閣兩家往來宜人之父諱願知太守必貴故歸以其子宜人入奉舅姑井曰親操恭儉有制外內稱賢太守始領鄉薦屢上春官不偶不能無尤蹙之色宜人數慰喻勞勉之曰幸無廢所業觀君器貌豈得終抑耶其後果舉進士高第歷官郎署出館郡符勤慎著稱皆宜人有助焉生子四人其

李復祐亦例受冠帶早卒女一適都憲高公仲子祚孫
男四曾孫男一于是太守謝政歸卒十餘年矣宜人壽
至七十七見其子列仕籍名忠書諸孫玉立衍衍愉愉
媚于朝夕嘉靖丙戌四月十七日卒于宜春之里第是
辰九月日啟太守公之壙而合葬焉其葬也諸子以銘
爲請銘曰
有幽新宮袁水之鄉曰嶺邦侯終也同藏吁嗟夫入有
德有祉異恩斯來吾見其子

封太孺人呂氏墓誌銘

太孺人呂氏世家鎮江贈監察御史曾公之妻南

京太僕少卿傲之母年七十三以嘉靖癸卯卒
卒明年十月某日塋墓某山之原于三人長子太僕舉
進士爲御史才名聞於時仲曰傲其季曰儻早卒女二
適林禧施良孫男六人恒悅悅恬懷恤孫女五人適朱
節費忱王思范曉錢某太孺人明慧而仁恭慎以有禮
始入門事姑嚴氏承顏色教令能得其歡相御史公得
輔佐之宜公早世撫教諸子備歷勞勩曾氏中落矣乃
豐顯裕盛子姓蕃衍有今日實太孺人之力焉將塋太
僕以予同年友也故來屬以銘銘曰
油雲曾施百穀泄泄相我御史夫人之懿夫人願願明

飭靜嘉蓄澤肇祥以啟有家爰有美子維國之華爲中
執法糾慝正邪出使入侍里第來過再服駢羅京汪之
注 皇有命書金葩珖首閣老宗工撰言爲壽判牲考
鍾黍稷籩豆告其先人奏假在廟京人聚觀太息嗟咨
誰之瘁矣碩茂榮滋偉歎夫人德實教之于前有繼于
後有貽詵詵諸孫服習書詩考終得願萬福如茨其來
承艾視此銘詞

監察御史朱君妻姚氏封孺人墓誌銘

愛朱君士光奉命按吳道聞其配姚氏之喪泣曰書
入金陵以來請銘曰五口妻新昌人宋狀元勉之
也曰其爲女十一歲無母事父而孝迨其家而
其幼弟妹飲食衣服不失其時此婦年纔十六能
事父者事吾先大夫太恭人以理父家者理吾家余
也名多疾吾妻規諫調護有隱德焉尤能相勉以勤
學夜讀宿膏火進飲饌有常度予成進士令蒞德海
二邑吾妻皆隨能扇舍以嚴日惟市蔬必記籍至門
手拆啓鑰納焉僮母得踰閩海鹽巖邑也前之爲令多
坐累弗振其得以御史召者自予始使予守官幸免於
過者抑吾妻之助也吾居臺遇事利病得失未敢以嘿
卽涉謹懔叵測或憂之吾妻弗吾過也及予免先大夫

金華縣志卷三
十四
喪將入京則止之曰君言職也顧今得言耶尙出耶往
食祿而憂曷若守此田里逸身而薄享以遺爾子孫也
是歲庚辰先帝南巡郡邑釋籜而嘆曰我爲婦人而
得從子隱幸矣其智性明識理道多此類子若再期
今上登極乃出出後巡離山西一年入臺又一年乃有
今命斬取道還家而吾妻亡矣悲夫吾妻之塋也子其
爲我以銘嵩嘗觀於今士大夫材行器業有聞於時非
獨自樹彊要亦有內助焉然內行弗克彰觀其夫所旣
立與其所稱而思者其賢可知矣孺人生子一人曰善
女一以適吾友傅御史冠卿之孫纓期年而纓卒誓守
不二婦人憐其女之如也對纓若勉勉之從其志生其
年月日卒嘉靖三年二月二十六日得年四十四有八塋
以其年月日墓某山之原銘曰
維世望筠篤生夫人邦伯維翼御史是嬪少則來歸已
享其貴匪貴之享職縫主饋兩邑之治去常見思臺中
之議繳厲弗隨維克相之厥聞以黜約取深慮亦審其
時士也則難矧女之爲曷以傳之厥此銘詩

鄉進士唐君妻朱氏墓誌銘

唐與朱同望晉寧而同出于浙江之嚴州其先在國初
俱發戍雲南中衛領屯種由是居晉寧兩家同里開相

好也孺人之父諱克灑景泰中領省薦仕定州訓導兄
諱鳳成化甲午與唐君以敬又同領省薦以敬爲其子
佐擇婦聞孺人賢遂委禽焉蓋孺人之未行也克嫻內
則鍾愛於父若兄稱賢女既歸也勇判成都從姑在宦
邸孝謹無違禮稱賢婦相其夫力學有文領弘治壬子
省薦克世其業稱賢妻逮其夫之歿也執舅與夫喪稱
未亡人遺孤者三長曰鉞次曰鎬次曰鏞皆甫髫髻保
抱携持矢濟艱難而迄見其子之成于是稱賢母焉
嘉靖戊子二月二十
有五日年五十一有八鎬舉進士甲科觀政戶部開歸
以明年己丑某月某日合葬於某山之某處
爲諸生館下知其文行奇之故孺人之墓也
一奉狀以請予銘其友戶部主事孫君道夫實著狀相
一以請乃爲銘曰
嗚呼子而彥服位在朝弗享其榮昔也勤勞世則多有云
切弗悲猶嗟孺人銘永其垂

華母傳

華母孺人姓鄒氏常州無錫人也華與鄒同望於錫兩
家皆豐財產而孺人之父曰某娶王氏尚書文肅公女
也孺人始往來外氏容櫛端雅進止有度文肅異之于

是華處士東洋君久無子晚得子曰鯨愛之爲擇所配
聞鄰女賢而文肅於華君故厚善卽媒往求焉議以克
協孺人來歸上下莫不贊賀姑年高有疾孺人事之怡
謹盡孝或淹月衣帨不釋姑臨終祝曰新婦事我善願
新婦有子婦亦加新婦善事我也東洋君卒鯨治塋與
祭咸中禮孺人實相之而鯨下果人也遇事敢敏直氣
昌辭亿亿期日樹顧遭訟繫連歲不得白白歸乃以疾
終孺人含茹悲苦公私酬應持危舉墜督教諸子使就
學爲鄉里善士東洋君之業弗衰焉初鯨生子八人女
五人而側出者四男一女孺人愛視之如一孺人性
素服御取給則止家嘗火什器俱毀孺人無戚感之色
曰物存數有數惟省已答譴而已孺人卒時年五十有
七八子者長延壽次延禧延慶延祚延禮延福延祿延
緒

論曰先王之世非獨外治蓋亦有內教焉故女子必有
師圖史陳誠蓄德勸志化行閨門後彤史職廢婦則姆
訓不及于家若今鄒孺人之賢無假輔告動應禮法非
其得于天性然歟抑陶淬漸習族類顯碩有自哉

其間有六人然其間
 雖不與于宋世今
 而固是則其間
 無曰求王少則其間
 正人于其間其間
 曰於其間其間其間
 其間其間其間其間

